



OHCEJOGA TURISMASTRATEGIJA 2035



SISDOALLU

3. Álggahus
4. Dálá dilli
5. Hástalusat
6. Givrodagat
7. Vejolašvuodát
8. Oiannut boahtteáiggis
9. Árvvut
10. Mihttomearit
11. Mihttomearit
12. Bránda
13. Oktiigeassu
14. Gáldut ja govat



ÁLGGAHUS

- Ohcejoga turismastrategiija vuodđun lea jagiid 2023-2024 doaibman Ohcejoga turismma Master Plan -fitnu bargu. Fidnu álggahuvvui go guovllus dáhpáhuve stuorra nuppástusat, numo Atlántta luosa bivdogielddus ja koronapandemiija mielddisbuktán ekonomalaš hástalusat. Ohcejoga giella ozai giđdat 2021 Fáhkkes ráhkadusnuppástusa giellan. Jagis 2023 giellastrategiija ođasmahttui, ja suvdilis turismma stuorrun válljejuvvui oktan strategalaš deattuhan suorgin.
- Ohcejoga turismma Master Plan -fidnu ordnii oktiibuot 12 bargobáji ja seminára, lassin jearahallojedje oktiibuot 64 sierra doaibmi, vuoi turismma ovddideami várás livčče čanastatjoavkkuid oainnut nu viidát go lea vejolaš. Fitnu bohtosiidda ja doaibmaevttohusaide bivdojuvvui cealkámuš Sámedikkis.
- Fitnu áigge meroštallojuvvui hállo turismma ovddideapmái, čielggaduvvojedje vejolaš joatkkadoaimmat, ja Ohcejoga turismma bránda buoriduvvui. Fitnu boađusin šattai viiddis turismma ovddideami plána, mii sisttisdoallá konkrehtalaš doaibmanevttohusaid.
- Guhkit áigge mihttomearrin lea stuoridit Ohcejoga turismma suvdilit ja plána mielde, ráhkadit ođđa bargobáikkiid, buoridit fitnodagaid gilvalannávcca ja gánnáhahttivuođa, ja lasihit gieldda vearroboađuid turismma stuorruma bokte. Mihttomearit dohkkehuvvojedje virggálaččat váldostivrras geassemánu 2024. Ovdanbuktin lea čoahkkáigeassu politihkalaččat dohkkehuvvon áššegirjjiin ja loahpparaporttain.

DÁLÁ DILLI

Ohcejoga turisma lea čielgasit manjis eará Lappi turismma ovdáneami ektui. Dát boahtá ovdan erenomážit idjademiid mearis, seanggaid geavahandásis, vuollegis riikkaidgaskasaš doaimmaid lassáneamis ja oanehis orustemiin. Hástalusaid ádden lea dehálaš, vuoi lea vejolaš ovddidit beaktilis čovdosiid ja garvit seammassullasaš váttisvuođaid boahhteáiggis.

Ohcejoga turisma lea bisson guhká measta seammán: jagis 2023 registrerejuvvojedje sullii 30 000 idjadeami ja mearri lea bisson seamma dásis manjimuš golbmalot jagi.

Koronapandemijja áigge mearri lassánii gaskaboddosaččat suomelaš turistaid buohta.

Riikkaidgaskasaš áššehasaid oassi lea ain smávis. Riikkaidgaskasaš turisttat bohtet eanáš Hollánddas, Duiskkas ja Norggas, muhto sin mearri lei čielgasit uhcit go eará guovlluin Lappis.

Idjadankapasitehta geavahandássi lea čielgasit vuollegut go eará guovlluin Lappis. Áššehasaid olaheami dahká váddásabbon dat, ahte dušše smávva oassi idjadankapasitehtas lea vuovdimassii stuorra digitála vuovdinkanálain. Turistaid árvvoštallamiid vuodul idjadanbáikkiid kvalitehta lea lihkká gaskamearalaččat buorre.

Márggat fitnodagat, mat ovdal barge guolástanturismmain, leat bivdogildosa manjá heaitán doaimmas.





HASTALUSAT


Ohcejoga turismma guovddáš váttisvuohta lea oanehis orusteapmi, gaskamearalaččat dušše 1,6 jándora, man dihtii Ohcejohka lea čadajohtinbáiki. Máđijaid, aktivitehtaid ja guossástallanbáikkiid vátnivuođa dihtii turisttat jotket johtilit Norgga beallai, eai bisán Ohcejohkii.

Turismma organiserema dássi lea vuollegis ja stuorruma goazaha dat ahte turismma struktuvra – márkanastin, vuovdalankanálat ja digitála vuogádagat- lea biedgguid.

Badjel 70 % turismmas dáhpáhuuvá geasse-čakčamánu áigge. Dálveturismmas vuhttui čielga lassáneapmi jagis 2012, man maŋŋá áššehasmearit leat bisson oalle seammán. Dálveturisma ii leat ovdánan seamma leavttuin go eará guovlluin Lappis. Dálveaktivitehtaid ja -máđijaid vátnivuođa dihtii Ohcejoga dálveturismma ovddideapmi ii leat vejolaš.

Turismabálvalusat leat čohkiidan moatte doaibmái. Fitnodagat leat eanáš smávvat ja daid doaibma lea čadnon čavgasit sesoŋaide. Dát hehte dálveturismma ovdáneami ja oidno maidái báikkálaš turismasuorggi bargobáikkiid vátnivuohtan dálvet.

Guovllu mátkevuovdaleami stuorruma eaktun lea gilvalannávccalaš bálvalusaid ovddideapmi riikkaidgaskasaš áššehasoavkkuide mátkelágideaddjiovttasbarggu vehkiin.



GIVRODAGAT

Lappi lea máilmmi viidosaččat dovddus turismabránda ja Ohcejohka sáhhtá atnin ávkin dán viidát dovddus beali. Ohcejohka lea Lappi-bránda oassi, muhto dat fállá bálvalusaid mat eai leat nu gávppálaččat muhto eanet originála.

Ohcejoga áidnalunddot duovdagat, jaskatvuohta, árktalaš meahcceguovlu ja ealli sámekultuvra geasuhit turisttaid, geat atnet árvvus ráfálašvuođa ja eaktivuođa. Ohcejogas lea báikki ja eará iešvuođaid dihtii maiddá eahpedábálaš buorit vejolašvuođat dárkot guovssahasaid, násttiid ja eará almmi albmanemiid.

Vejolašvuođaid stuorrumii láhččet maiddá koronapandemiija geažil lassánan barttaid – erenomážit luksusbarttaid- beaggin riikkaidgaskasaš turisttaid ja mátkelágideaddjiid gaskkas. Infrastruktuvra lea jo ovddežis, muhto dan beaktilis geavaheapmi ja márkanastinkanálaid ovddideapmi leat guovddášis jus háliidat lasihit turismma sisaboaduid.

Ohcejohka sáhhtá báitit turismamárkaniin maiddá nana kultuvrralaš fáldagain ja profilerejuvvot suvdilis, vásttolaš turismma mállegieldan. Riikkaidgaskasaččat lassánan beroštupmi vásttolašvuhtii addá Ohcejohkii vejolašvuođa nannet iežas sajádaga geasuheaddjin ja áidnalunddot báikin.



VEJOLAŠVUOĐAT

Birrajagáš turismma ovdánahttimii leat mánggat vejolašvuođat, maid sáhtta ovdidit idjadankapasitehta ja bálvalusaid ovddideami bokte, máđijaid ja aktivitehtaid buorideami bokte, márkanastima ja vuovdima beaktiladdimiin, ja čanastatjoavkoovttasbarggu nannemiin.

Ohcejoga geasuhanfámu mátkelágideaddjivuovdima dáfus sáhtta buoridit nu ahte geasuhit investeremiid seangakapasitehta loktemii ja alla dási bálvalusaide. Alit dási idjadanbáikkid ja mánggabealagut bálvalusat geasuhit guvlui turisttaid, geat geavahit eanet ruđa ja dan láhkai duvdet turismma suvdilis stuorruma.

Digitála vuovdima ovddideapmi ja Girkonjárgga girdinstašuvnna ávkástallan buorebut buoridivččii olahttivuođa ja lasihivččii riikkaidgaskasaš turismma.

Fierpmádatlágan ovttasbargu fitnodagaid, čanastatjoavkkuid ja Norgga doaibmiid gaskkas lážášii ođđa vejolašvuođaid gierdomátkkiide ja buktagiid hábmemii páhkkabálvalussan.

Ohcejohka geasuha ain guolástanturisttaid, ja dan sáhtášii ovdidit eará guollešlájaid, ovdamearkka dihtii hárri ja čuovžža guolástanturismma. Maiddái sihkkelturisma, luonddus vánddardeapmi ja gáiddusbargobálvalusat fálet lassevejolašvuođaid turismma stuorrumii.



OAINNUT BOAHTTEÁIGGIS

Jagi 2035 Ohcejohka lea suvdilis ja vásttolaš turismma mállegiella.

Birrajagaš turisma vuodđuduvvá buhtes árktalaš luonddu ja albma sámekultuvrra givrodagaide.

Gielda geasuha suopmelaš ja olgoriikalaš gussiid, geat orustit mángga beaivái.

Ohcejoga dovdet riikkaidgaskasaččat áidnalunddot mátkeguovlun.



ÁRVVUT

Vásttolaš stuorrun

Turisma ovddiduvvo dássedettolaččat nu, ahte turisma bissu smávván ja garvit mearihis turistameriid. Birrajagaš turisma doarju bálvalusaid seailuma ja fitnodagaid gánnáhahttivuođa.

Kultuvrra ja luonddu gudnejahttin

Sámekultuvra ja buhtes davvi luondu leat turismma vuodđu, ja dat adnojit árvvus buot doaimmain.

Eallinfámolaš birrajagášvuohta

Birrajagáš turisma doarju bálvalusaid seailuma ja fitnodagaid gánnáhahttivuođa.



MIHTTOMEARIT

Turismastrategiija mihttomearrin lea dihkádit luotta turismma suvdilis ja dássedettolaš ovdánahttimii.

Konkrehtalaš mihttomearit deattuhuvvojit erenomážit birrajagaš turismma ovdánahttimis, orusteami guhkideamis ja seaggaid geavahandási loktemis, ja gielda vearroboáduid lasiheamis.

Turismma ovddideapmi buorida bálvalusaid maiddá báikkálaš olbmuide, lasiha sámekultuvrra oinnolašvuoda ja árvvusatnima ja sihkkarastá, ahte luondu ja árbevierut bissot turismma givrodahkan.

Mihttomearit dohkkehuvvojedje váldostivrras geassemánu 2024.

Kvantitatiiva mihttomearit

- Jahkái 2035 turisma buktá gildii sullii miljon euro vearroboáduid jahkásaččat.
- Mihttomeari ollašuhttimii dárbbášuvvojit sullii 1000-2000 ođđa seangasaji, main ovtta fitnodaga sturrodat lea sullii 200 seangga dahje eanet. Dát sturrodatdási dáhkida dan, ahte bargobáikkit šaddet doarvái, fitnodagat leat gánnehahttit ja mákset servodatvearu.

MIHTTOMEARIT

Kvalitatiiva mihttomearit

Vuođđu ja doaibmanbiras


- Nannet unna fitnodagaid doaibmaneavttuid ja gánnáhahttivuođa ja lasihit ovttasbarggu buktagiid ja vuovdima ovddideamis.
- Seailluhit albma sámekultuvrra turismma vuođđun.
- Soahpat turismma eanangeavaheamis ovttasráđiid čanastatjoavkkuiguin.
- Buoridit olahttivuođa girdijohtolat oktavuodaiguin ja sáhttoordnedemiiguin.

Buktagat ja bálvalusat

- Ovddidit aktivitehtaid ja máđijaid nu ahte dat vástidit riikkaidgaskasaš dárbbuid.
- Deattuhit jođihuvvon aktivitehtaid, páhkaid ja geasse-čakča-dálvebuktagiid ovddideami.
- Árvvoštallat mo ođđa muosáhuselemeanttat (omd huskyt) heivejit Ohcejohkii.

Stuorrun ja oinnolašvuohta

- Ovddidit ođđa investeremiid ja fitnodatprošeavttaid álgima nu ahte ávkástallat guovllu givrodagaid ja ovddidanpotentiála.
- Viiddidit riikkaidgaskasaš vuovdima ja turismalágideaddjigávppi nu, ahte dat čuohcá riggásut áššehasjoavkkuide ja turismma árvvu lassáneapmái.
- Nannet Ohcejoga oinnolašvuođa Arctic Highlands-bránda ja dan njunušelemeanttaid vehkiin ja atnit ávkin Jieknameara lagašvuođa márkanastimis ja ovttasbargomátkkiin Norggain.



BRÁNDA

Ohcejoga turismma Master Plan-prošearvttá bohtosiid vuodui Ohcejoga turismabránda ođasmahttui jagis 2025.

Brándanamman lea dás duohkoge Explore Utsjoki

Bránda árvvuin deattuhuvvojit:

- Árbevierut: Árvvus atni, árbevieruid gudnejahtti ja albma oktavuoha guovllu sápmelašvuhtii ja historjái.
- Biras: Oktavuoha báikkálaš eallimii ja lundui.
- Erenomáš muosáhusat: Ohcejoga guovllus mearkkašahtti muosáhusat, siskkáldas nuppástus ja čiekŋalut oktavuoha leat vejolaččat.

Váldotemán buot gulahallamis lea Arctic Highlands.

Vuolletemán leat:

- SKY – Almmi albmaneamit, rabas duovdagat ja rájehis albmeravda
- RIVERS – Jogat kultuvrra, ealáhusaid, buđaldusaid ja lihkađeami vuodđun
- OCEAN – Johka lea oktavuodas maiddái Jiekŋamerrii, turismabuktagat

OKTIIGEASSU



Árvvut

- Vásttolaš stuorrun: Turisma ovddiduvvo dássedettolaččat nu, ahte turisma bissu smávván eaige turisttat leat mearihis olu. Birrajagáš turisma doarju bálvalusaid seailuma ja fitnodagaid gánnáhahttivuođa.
- Kultuvrra ja luonddu gudnejahttin: Sámekultuvra ja buhtes davvi luondu leat turismma vuodđu, ja dat árvvusadnojit buot doaimmain.
- Eallinfámolaš birrajagášvuohta: Birrajagáš turisma doarju bálvalusaid seailuma ja fitnodagain gánnáhahttivuođa.

Oainnut boahtteáiggis

Jagi 2035 Ohcejohka lea suvdilis ja vásttolaš turismma mállegiella. Birrajagáš turisma vuodđuduvvá buhtes árktalaš luonddu ja albma sámekultuvrra givrodagaide. Giella geasuha suomelaš ja olgoriikalaš gussiid, geat orustit guovllus mánnga beaivvi. Ohcejoga dovdet riikkaidgaskasaččat áidnalunddot mátkeguovlun.

Loahppasánit

Vuoi olahivččiimet boahtteáiggi oainnu Ohcejogas suvdilis ja vásttolaš turismma mállegiellan jagis 2023, fertet bargat ovttasráđiid. Ohcejoga guovllu fitnodagat, ássit ja eará čanastatjoavkkut galget čatnasit oktasaš árvvuide.

Árvvuide čatnaseapmi nanne guovllu turismaidentitehta, man birra gulahallamii geavahuvvo Explore Utsjoki bránda. Brándagulahallamis buktit ovdan guovllu givrodagaid nu, ahte atnit ávkin Arctic Highlands – Sky – Rivers – Oceans temáid.

Ovttasbargu, man oktasaš árvvut jođihit, doalvu Ohcejoga suvdilis, birrajagáš eallinfámu guvlui.



Gáldut

Kiila Consulting Oy: Utsjoen Matkailun Master Plan

Flatlight Creative House: Uudistettu Explore Utsjoki brändi

Govat

Ohcejoga gielda / Kota Collective: Pearpma govva, siiddut 2, 3, 5, 7, 10, 11, 15

Ohcejoga gielda / Risto Takala: siiddut 4, 8, 9, 14

Ohcejoga gielda / Eeva Mäkinen: siidu 6

Flatlight: siidu 12



Loga lasi:

Ohcejoga gieldda: www.utsjoki.fi

Explore Utsjoki: www.exploreutsjoki.fi

Instagram Explore Utsjoki: www.instagram.com/exploreutsjoki



Ohcejoga gieldda | Utsjoen kunta | www.utsjoki.fi

Luossa 1a, 99980 Ohcejohka/Utsjoki | PB/PL 41, 99981 Ohcejohka/Utsjoki
tel. +358 40 188 6111 | puh. 040 188 6111